

文

章

類

選

八卷  
騷類



文章類選卷之八

騷類

離騷經

屈原

帝高陽之苗裔兮朕皇考曰伯庸攝提貞于孟陬子侯

兮惟庚寅吾以降皇覽揆余于初度兮肇錫余以嘉

名名余曰正則兮字余曰靈均紛吾既有此內美兮

又重之以脩能扈戶江離與辟芷兮紉秋蘭以為佩

汨于筆余若將不及兮恐年歲之不吾與朝搴阰之

木蘭兮夕攬洲之宿莽日月忽其不淹兮春與秋其

代謝惟草木之零落兮恐美人之遲暮不撫壯而棄

穢兮何不改其此度也乘騏驎以馳騁兮來吾導夫

先路昔三后之純粹兮固衆芳之所在雜申椒與菌

桂兮豈維紉夫蕙芷唱彼堯舜之耿古介兮既遵道

而得路何桀紂之昌披兮夫唯達徑以窘求步惟黨



人之偷樂兮路幽昧以險隘豈余身之憚殃兮恐皇  
輿之敗績忽奔走以先後兮及前王之踵武荃不察  
余之中情兮反信讒而齊怒余固知謇謇之爲患兮  
忍而不能舍也指九天以爲正兮夫唯靈脩之故也  
初旣與余成言兮後悔遯而有佗余旣不難離別兮  
傷靈脩之數化余旣滋蘭之九畹遠於兮又樹蕙之百  
畝畦菑萑夷與揭車兮雜杜蘅與芳芷冀枝葉之峻  
茂兮願埃時乎吾將刈雖萎絕其亦何傷兮哀衆芳  
之蕪穢衆皆競進以貪婪力兮憑不馱乎求索羌內  
恕已以量人兮各興心而嫉妬忽馳騫以追逐兮非  
余心之所急老冉冉其將至兮恐脩名之不立朝飲  
水蘭之墜露兮夕餐秋菊之落英苟余情其信姱苦  
以練要兮長願呼感呼領呼亦何傷擘木根以結茝兮貫  
群荔之落葉矯菌桂以紉蕙兮索胡繩之纏纏謇吾

法夫前脩兮非時俗之所服雖不周於今之人兮願  
依彭咸之遺則長太息以掩涕兮哀人生之多艱余  
雖好脩姱苦以鞿居羈兮蹇朝諝而夕替旣替余以  
蕙纒羊思兮又申之以攬芷亦余心之所善兮雖九死  
其猶未悔怨靈脩之浩蕩兮終不察夫人心衆女嫉  
余之蛾眉兮謠詠丁謂余以善淫固時俗之工巧兮  
佞規矩而改錯背繩墨以追曲兮競周容以爲度恇  
鬱悒余侘加丑祭例丑兮吾獨窮困乎此時也寧溘音合死  
以流亡兮余不忍爲此態也鷙鳥之不群兮自前代  
而固然何方圓之能周兮夫孰異道而相安屈心而  
俟志兮忍尤而攘詬候伏清白以死直兮固前聖之  
所厚悔相道之不察延佇乎吾將反迴朕車以復路  
兮及行迷之未遠步余馬於蘭皋兮馳椒丘且焉止  
息進不入以離尤兮退將復脩吾初服制芰荷以爲



衣兮集芙蓉以為裳不吾知其亦已兮苟余情其信  
芳高余冠之岌岌兮長余佩之陸離芳與澤其雜糅  
又兮唯昭質其猶未虧忽反顧以游目兮將往觀乎  
四荒佩繽紛其繁飾兮芳菲菲其彌章人生各有所  
樂兮余獨好脩以為常雖體解吾猶未變兮豈余心  
之可憊女媧頤之嬋媛兮申申其詈予曰鮫婞朝直  
以亡身兮終然夫乎羽之野汝何博謔而好脩兮紛  
獨有此姱節菘菁綠菘綠菘綠菘綠以盈室兮判獨離而不  
服衆不可戶說兮孰云察余之中情世並與而好朋  
兮夫何莞獨而不予聽依前聖之節中兮喟憑心而  
歷茲濟沅湘以南征兮就重華而陳詞啓九辯與九  
歌兮夏康娛以自縱不顧難以圖後兮五子用失乎  
家巷羿淫遊以佚田兮又好射夫封狐固亂流其鮮  
終兮凝紕紕又貪夫厥家澆五身被服疆圉兮縱欲而

不忍日康娛而自忘兮厥首用夫顛隕夏桀之常違  
兮乃速焉而逢殃后辛之菹醢兮殷宗用而不長湯  
禹嚴而祗敬兮周論道而莫差舉賢而授能兮脩繩  
墨而不頗皇天無私阿兮覽人德焉錯七輔夫維聖  
哲以茂行兮苟得用此下土瞻前而顧後兮相觀人  
之計極夫孰非義而可用兮孰非善而可服疇蒼余  
身而危死兮覽余初其猶未悔不量鑿而正桷兮  
固前脩以菹醢曾君歎君歎君余鬱悒兮哀朕時之不  
當攬茹若蕙以掩涕兮霑余襟之浪浪平跪敷衽以  
陳辭兮耿吾旣得此中正駟玉虬以乘鸞鳥兮溘合  
埃風余上征朝發軔刃於蒼梧兮夕余至乎縣圃欲  
少留此靈環杲兮日忽忽其將暮吾令羲和弭節兮  
望崦嵫崦嵫而勿迫路漫漫其脩遠兮吾將上下而  
求索飲余馬於咸池兮搃余轡乎扶桑折若木以拂



日兮聊須臾以相羊前望舒使先驅兮後飛廉使奔  
屬鸞皇為余先戒兮雲師告余以未具吾令鳳皇飛  
騰兮又繼之以日夜飄風屯其相離兮帥雲霓而來  
御避紛總總其離合兮班陸離其上下吾令帝閭開  
闔兮倚閭闔而望予時曖曖其將罷兮結幽蘭而延  
佇世溷濁而不分兮好蔽美而嫉妬朝吾將濟於白  
水兮登閭右風而綫息馬忽反顧以流涕兮哀高立  
之無女盍吾遊此春宮兮折瓊枝以繼佩及榮華之  
未落兮相下女之可貼吾令豐隆乘雲兮求處妃之  
所在解佩纒相以結言兮吾令蹇脩以為理紛總總  
其離合兮忽緯續呼其難遷夕歸次於窮石兮朝濯  
髮乎滄子槃保厥美以驕傲兮日康娛以淫遊雖信  
美而無禮兮來違弃而改求覽相觀於四極兮周流  
乎天余乃下望瑤臺之偃蹇兮見有娥高之佚逸女

吾令鳩為媒兮鳩告余以不好雄鳩之鳴逝兮余猶  
惡其佻他巧心猶豫而狐疑兮欲自適而不可鳳皇  
既受詔異兮恐高辛之先我欲遠集而無所止兮聊  
浮遊以逍遙及少康之未家兮留有虞之二姚理弱  
而媒拙兮恐導言之不固時溷濁而嫉賢兮好蔽美  
而稱惡閨中既以遠遠兮哲王又不寤懷朕情而不  
發兮余焉能忍與此終古索鞞瓊茅以筵廷筮專兮  
命靈氛為余占之曰兩美其必合兮孰信脩而慕之  
思九州之博大兮豈唯是其有女曰勉遠逝而無狐  
疑兮孰求美而釋女何所獨無芳草兮爾何懷乎故  
宇時幽昧以眩曜兮孰去察余之美惡人好惡為其  
不同兮惟此黨人其獨異戶服艾以盈要平兮謂幽  
蘭其不可佩覽察草木其猶未得兮豈理地美之能  
當蘇糞壤以克幃暉兮謂申椒其不芳欲從靈氛之



吉占兮心猶豫而狐疑巫咸將夕降兮懷椒播所而  
要之百神翳其備降兮九疑續其並迎皇剡剡珠其  
揚靈兮告余以吉故曰勉升降以上下兮求矩矱  
之所同湯禹儼而求合兮摯皐繇而能調苟中情其  
好脩兮何必用夫行媒說操棊於傳巖兮武丁用而  
不疑呂望之鼓刀兮遭周文而得舉甯戚之謳歌兮  
齊桓聞以該輔及年歲之未晏兮時亦猶其未央恐  
鶻弟鳩挂之先鳴兮使百草為之不芳何瓊珮之偃  
蹇兮衆葵變然而蔽之惟此黨人之不亮兮恐嫉妬  
而折之時續紛其變易兮又何可以淹留蘭芷變而  
不芳兮荃蕙化而為茅何昔日之芳草兮今直為此  
蕭艾也豈其有他故兮莫好脩之害也余以蘭為可  
恃兮羌無實而容長委厥美以從俗兮苟得引乎衆  
芳椒專佞以慢諂吐兮擲殺又欲充其佩幃音既干

進而務入兮又何芳之能柢固時俗之從流兮又孰  
能無變化覽椒蘭其若茲兮又况揭車與江離惟茲  
佩之可貴兮委厥美而歷茲芳菲菲而難虧兮芬至  
兮猶未沫亡和調度以自娛兮聊浮游而求女及余  
飾之方壯兮周流觀乎上下靈氛既告余以吉占兮  
歷吉日乎吾將行折瓊枝以為羞兮精瓊蘼音以為  
糗張音為余駕飛龍兮雜瑤象以為車何離心之可同  
兮吾將遠逝以自疏遭吾道夫崑崙兮路脩遠以周  
流揚志雲霓之晻藹兮鳴玉鸞之啾啾朝發軔於天  
津兮夕余至乎西極鳳皇翼其承旂兮高翱翔之翼  
翼忽吾行此流沙兮遵赤水而容與麾蛟龍使梁津  
兮詔西皇使涉予路脩遠以多艱兮騰衆車使徑待  
路不周以左轉兮指西海以為期也余車其千乘兮  
齊玉軼夫而並馳駕八龍之婉婉於兮載雲旗之委



移抑志而弭節兮神高馳之邈邈奏九歌而舞韶兮  
聊假日以愉樂陟升皇之赫戲平兮忽臨睨詎夫舊  
卿僕夫悲余馬懷兮蟋蟀局顧而不行亂曰已矣哉  
國無人莫我知兮又何懷乎故都既莫足與為美政  
兮吾將從彭咸之所居

九章

屈平

余幼好此奇服兮年既老而不衰帶長鋏頰之陸離  
兮冠切雲之崔巍晉被明月兮佩寶璐世溷濁而  
莫余知兮吾方高馳而不顧駕青虬兮驂白螭吾與  
重華游兮瑤之圃登崑崙兮食玉英與天地兮比壽  
與日月兮齊光哀南夷之莫吾知兮旦余濟乎江湖  
乘鄂五渚而反顧兮欵哀秋冬之緒風步余馬兮山  
臯低余車兮方林乘舲音船余上沅兮齊吳榜音以  
擊汰音船容與而不進兮淹回水而疑滯朝發枉渚

兮夕宿辰陽苟余其端直兮雖僻遠之何傷入激浦  
余儻侗兮迷不知吾之所如深林杳以冥冥兮乃援  
罔音之所居山峻高以蔽日兮下幽晦以多雨霰雪  
紛其無垠音兮雲霏霏而承宇哀吾生之無樂兮幽  
獨處乎山中吾不能變心而從俗兮固將愁苦而終  
窮接輿旣音坤首兮桑扈羸音勛行忠不必用兮賢不必  
以伍子逢殃兮比干菹醢音與前世而皆然兮吾  
又何怨乎今之人余將董道而不豫兮固將重昏而  
終身

右涉江

卜居

屈平

屈原既放三年不得復見竭智盡忠蔽鄣於讒心煩  
意亂不知所從乃往見太卜鄭詹尹曰余有所疑願  
因先生決之詹尹乃端策拂龜曰君將何以教之屈  
原曰吾寧悃悃平款款朴以忠乎將送往勞去來斯



無窮乎寧誅鉏草茅以力耕乎將遊大人以成名乎  
寧正言不諱以危身乎將從俗富貴以媮命乎寧  
超然高舉以保真乎將足此訾訾實實慄慄栗栗斯斯嚶嚶推推咿咿伊伊  
嚶嚶以事婦人乎寧廉潔正直以自清乎將突突梯梯  
滑滑骨骨稽如脂如韋以絜絜若若楹乎寧昂昂若千里之駒  
乎將汜汜若水中之鳧乎與波上下偷以全吾軀乎  
寧與騏驥抗軛乎將隨駑馬之迹乎寧與黃鵠比翼  
乎將與鷄鶩爭食乎此孰吉孰凶何去何從世溷溷  
濁而不清蟬翼為重千鈞為輕黃鐘毀棄瓦釜雷鳴  
讒人高張賢士無名于嗟嘿嘿兮誰知吾之廉貞詹  
尹乃釋策而謝曰夫尺有所短寸有所長物有所不  
足智有所不明數有所不逮神有所不通用君之心  
行君之意龜策誠不能知此事

漁父

屈平

屈原既放遊於江潭行吟澤畔顏色憔悴形容枯槁  
考漁父見而問之灼灼西頰日餘光照我衣迴風吹  
四壁寒鳥相因依周周尚銜羽蛩蛩亦念飢如何當  
路子磬折忘所歸豈為夸苦譽名苦憔悴使心悲寧與  
鸞雀翔不隨黃鵠飛黃鵠游四海中路將安歸漁父莞  
尔而笑鼓枻而去乃歌曰滄浪之水清兮可以濯我  
纓滄浪之水濁兮可以濯我足遂去不復與言

九辯五首

宋玉

悲哉秋之為氣也蕭瑟兮草木搖落而變衰僚僚了了慄  
栗兮若在遠行登山臨水兮送將歸沉血寥兮天高  
而氣清寂寥兮收潦光而水清清愴愴增增歎歎兮  
薄寒之中人愴愴懷懷口口恨恨即即兮去故而就新坎壈壈兮  
兮貧士失職而志不平廓落兮羈旅而無友生惆悵  
兮而私自憐燕翩翩其辭歸兮蟬寂寞而無聲鴈嗷



唯邕而南游兮鷓鴣啁交竹嘶而悲鳴獨申旦而不寐兮哀蟋蟀之宵征時臺臺尾而過中兮蹇淹留而無成

悲憂窮蹙六子兮獨處廓有美一人兮心不繹去卿離

家兮來遠客超逍遙兮今焉薄專思君兮不可化君

不知兮可柰何蓄怨兮積思心煩懣徒兮忘食事願

一見兮道余意君之心兮與余異車駕兮竭列而歸

不得見兮心悲倚結軫零兮太息涕潺湲兮霑軾慷

慨絕兮不得中替亂兮迷惑私自憐兮何極心怆

怆兮諒直

皇天平分四時兮竊獨悲此凜秋白露既下降百草

兮奄離披此梧楸去白日之昭昭兮襲長夜之悠悠

離芳藹之方壯兮余委約而悲愁秋既先戒以白露

兮冬父申之以嚴霜收恢台之孟夏兮然坎例而

沈蕤葉菸於邑而無色兮枝煩絮子而交橫顏淫溢而

將罷兮柯彷彿用而委黃蘗朔搆森之可哀兮

形銷鑠而疾傷惟其紛糅又而將落兮恨其失時

而無當覽駢而下節兮聊逍遙以相羊歲忽忽而

道盡兮恐余壽之弗將悼余生之不時兮逢此世之

狂王車攘如澹徒容與而獨倚兮蟋蟀鳴此西堂心休

惕而震盪兮何所憂之多方仰明月而太息兮步列

星而極明

竊悲夫蕙華之曾敷兮紛旖侍旒反手都房何曾華

之無實兮從風雨而飛颺以為君獨服此蕙兮嗟無

以異於衆芳閔奇思之不通兮將去君而高翔心閔

憐之慘悽兮願一見而有明重無怨而生離兮中結

軫而增傷豈不鬱陶而思君兮君之門以九重猛犬

信信銀而迎吠秋兮闔梁閉而不通皇天淫溢而秋



霖兮后土何時兮得乾塊獨守此無澤兮仰浮雲而  
永歎何時俗之工巧兮背繩墨而改錯七每反却騏驥而  
不乘兮策驚駘徒而取路當世豈無騏驥兮誠莫之  
能善御見執轡者非其人兮故駒跳條而遠去鳥鴈  
皆唼所夫梁藻兮鳳愈飄翔而高舉園負鑿而方抽  
沛兮吾固知其鉏林鋤語而難入衆鳥皆有所登棲  
兮鳳獨遑遑而無所集願銜枚而無言兮常被君之  
渥洽太公九十乃顯榮兮誠未遇其四合謂騏驥兮  
安歸謂鳳皇兮安棲變古易俗兮世衰今之相者兮  
舉肥騏驥伏匿而不見兮鳳皇高飛而不下鳥獸猶  
知懷德兮何云賢士之不處騏驥不驟進而求服兮鳳  
亦不貪餒於而妄食君棄遠而不察兮雖願忠其焉  
得欲寂寞而絕端兮竊不敢忘物之厚德獨悲愁其  
傷人兮馮鬱鬱其何極

秋氣搖落

梁孝元皇帝

秋風起兮寒鴈歸寒蟬鳴兮秋草腓萍清兮水激葉  
落兮林稀翠為蓋兮玳為席蘭為室兮金作屏水周  
兮曲堂花交兮洞房樹參差兮稍密紫荷紛披一作兮  
疏且黃雙飛兮翡翠並泳一作兮鴛鴦神女雲兮初度  
雨班妾扇兮始藏光且淹留兮日云暮對華燭兮歡  
未央

五悲文五首

五悲文 并序

盧照隣

自古為文者多以九七為題目乃有九歌九辨九章  
七發七啓其流不一余以為天有五星地有五嶽人  
有五章一作禮有五禮樂有五聲五者亦天地之數今  
造五悲以申萬物之情傳之好事耳

悲才難



一悲曰恭聞古之君子兮將遠適乎百蠻何故違父  
母之中國從禽獸於末班將矯詞兮不往將背俗兮  
不還寧曲成而薄喪不直敗以厚顏彼聖人兮猶若  
此况不肖與中間古往今來邈矣悠哉愁生玉折顏  
子蘭摧人兮代兮俱盡代兮人兮共哀至如左丘失  
明舟耕有疾兵法作而猶贖史記修而下室高明者  
鬼瞰其門正直者人怨其筆雖為鏡於前代終抱痛  
於今日別有漢陽計掾邠國臺卿抗希代之奇節貞  
超時之令名坎壈九死離披再生伊才智之為患故  
賢哲之所嬰若乃賈長沙之數奇崔亭伯之不偶思  
欲削曾史之高行鉗揚墨之辨口為書為禮驅季俗  
於三古之前垂譽垂聲正頽網於百王之後天子聞  
之而欲用群公畏之而莫取徒窘蠢於泥沙竟龍鐘  
於塵垢異乎稽之古人則如彼考之今代又如此近

有魏郡王君曰方華陰楊氏曰身成能博達奇偉輩  
思研精徵孔門之禮樂吞鬼谷之縱橫嶽秀泉澄如  
川如陵高談則龍騰豹變下筆則煙飛霧凝玉則官  
終於郡吏揚則官止於邑丞何異夫操太阿以烹小  
鮮飛夜光而彈伏翼灼金龜兮訪兆邀玉騏兮騁力  
雖勞形而竭思吾固知其不得余之昆兮曰杲之余  
之季兮曰昂之杲也杲杲兮如三足之鳥昂也昂昂  
焉如千里之駒杲之為人也風流儒雅為一代之和  
玉昂之為人也文章卓犖為四海之隋珠並蘭馨兮  
桂郁俱龍駒兮鳳鷄生於戰國則管樂之器長於闕  
里則游夏之徒徒以方圓異用遭遇殊時故才高而  
位下咸默默以遲遲青青子襟兮時向晚黃黃我綬  
兮鬚如絲昆兮何責坐乾封兮老矣季兮何負橫武  
陵而棄之舉天下兮稱屈何暗室之足欺為小人之



所笑爲通賢之所悲童子尚知其不可矧衡鏡與著  
龜故曰至道之精宵宵冥冥至道之極昏昏默默焚  
符破璽而人朴鄙剖斗折衡而人不爭揆華子作操工倕之  
指而天下始巧膠離朱之目而天下始明然後除其  
矯黠之患安其性命之精太平之代萬物肫肫凡聖  
昭合賢愚滑昏公卿不接友長吏不迎尊當成康勿  
用何暇談其兵甲典謨既作焉得耀其書論雖有晏  
嬰子產將頌伏於閭巷雖有冉求季路且耕牧於田  
園彼尋常之才子又焉可以勝言命鸞鳳兮逐雀驅  
龍驥兮捕鼠使掌事者校其功兮孰能與狸狹而齊  
舉金爲舟兮瑋瑋不可涉丘陵些珠爲衣兮翡翠  
翠裳不可以混樵蒸些何器用之牽刺悼斯人之勤  
多一作些倚長巖以爲枕兮吸流光以高卧見城市以盈  
虛若蚊蟲之相過掌其時也巢由滿野不知稷禹之

尊周召盈朝莫救夷齊之饑若夫管仲不遇齊桓則  
城陽之贅壻太公不遭姬伯亦棘津之漁夫一仁一  
義柴也來兮由也醢一忠一孝微子去兮箕子奴聖  
人百慮而一致君子同歸而殊塗推既焚兮胥既溺  
桀亦放兮文亦拘笙簧六籍則秦俗有坑儒之痛黼  
藻百行則漢家有黨錮之誅鄴都傾覆飛禍纏於高  
臯洛陽板蕩橫死坐其無鬚嗚呼嚙嘶口含天憲睚  
眦薑分屍僵路隅變化與屈伸交逐窮達與存亡並  
驅因其所有而有之則萬物無不有就其所無而無  
之則萬物無不無有竅而生寧唯混沌無用而飽何  
獨侏儒是以蘧伯玉卷兮長卷竄武子愚兮更愚庭  
有樹兮樹有荆園有鳥兮鳥有鷓鴣其鳴矣思諸兄  
矣荆其頽矣思諸季矣巖有芳桂隈有棠棣枝龍巖  
兮相樛葉翻翻兮相翳天之生我胡寧不惠何始吉



兮初征悲終凶於未濟

悲窮道

二悲曰流淚公子傷心久之歷萬古以抽恨橫八荒  
而選悲有幽巖之卧客兀中林而坐思形枯槁以嶠  
嶮足聯蹙以緇釐悄悄兮忽愴眇眇兮惆悵超遙兮  
獨蹇淹留兮空谷天片片而雲愁山幽幽而谷哭露  
垂泣於幽草風含悲於拱木徒觀其頂集飛塵兀埋  
積雪骸骨半死血氣中絕四支萎隨五管歌缺皮裂  
脣亡齒寒有張儀之羞古仰而視睛翳其若夢俯而  
動身羸而欲折神若存而若亡心不生而不滅其所  
居也不爨其所狎也非人古樹爲伴朝霞作隣下陰  
森以多晦傍恍惚兮無垠松門草合石路苔新公子  
方撫其背兮曳其裾曰子非有唐之文士歟燕地之

高門歟昔也子之少則玉樹金枝及其長則龍章鳳  
姿立身則淹中不足言其禮揮翰則江左莫敢論其  
詩每兢兢於暗室恒詡詡於明時常謂五府交辟三  
臺共推朝紆會稽之綬久獻長楊之詞痛私門之禍  
速惜公車之詔遲豈期晦明乖序寒燠愆度鱗傷羽  
折筋攣肉蠹離披於丹澗之隅齧棘於藪山之路已  
焉哉已焉哉崑山玉石忽摧頽事去矣事去矣古今  
賢聖悲何已天道如何自古相嗟項羽帳中之飲荆  
卿易水之歌何壯夫之懦節伊兒女之情多惜如蘇  
武生還温序死節王陵之母伏劔祀梁之妻泣血事  
蓋迫於功名情有薰於貞烈若關羽漢陰田橫海島  
孤城已迫疲兵向老離離碣石之鴻羃羃江潭之草  
回首永訣吞聲何道及夫獻帝偷生懷王客死哀西  
都之城闕憶南荆之朝市鳳皇樓上隴山雲鸚鵡洲



前吳江水一離一別兮漢家宮掖似神仙獨坐獨愁  
兮楚國容華競桃李別有士安多疾顏奇不起馬援  
困於壺頭舟耕悲於牖裏平生書劍宿昔琴樽研精  
殫於玉冊博思浹於銅渾思欲爲龜爲鏡立德立言  
成天下之亶亶定古今之誼誼一朝溘卧萬事寧論  
君徒見丘中之饒朽骨豈知陌上之有遊魂假使百  
年兮上壽又何足以存存

悲昔

三悲曰奇峯合沓半隱天綠蘿蒙籠水潺湲因嵌巖  
以爲室就芬芳以列筵川谷縈迴兮迷徑路山嶂重  
複兮無人煙當鈇呀之洞壑臨決咽之奔泉中有幽  
憂之子長寂寞以思禪暮色躋躋朝思綿綿形半生  
而半死氣一絕而一連自言少一遊宦來從北燕淮  
南芳桂之山嶺峴北明珠之川東魯則過仲尼之故宅

西蜀則耕武侯之薄田舊鄉舊國白雲邊飛雪飛蓬  
暗遠天暫辭薊門千萬里少別昭丘三十年昔時人  
物都應謝聞道城隍復可憐忽憶揚州揚子津遙思  
蜀道蜀橋人鴛鴦渚兮羅綺月茱萸灣兮楊柳春煙  
波淼淼帶平沙門棧連延狹復斜山頭交讓之木浦  
口同心之花嚴君平之卜肆戴安道之貧家月犯少  
微弔吳中之隱士星千織女乘海上之仙槎長安綺  
城十二重金作鳳皇銅作龍蕩蕩千門如錦繡巖巖  
雙闕似芙蓉題字於扶風之柱繫馬於驪山之松灞  
池則金人列岸太華則玉女臨峯平明共戲東陵陌  
薄暮遙聞北闕鍾洛陽大道何紛紛榮光休氣晚氛  
氳交衢近接東西署複道遙通南北軍漢帝能拜嵩  
丘石陳王巧賦洛川雲河水河橋木蘭搜金闈金谷  
石榴裙曾入西城看歌舞也出東郊送使君一朝顛



頽無氣力曝骸委骨龍門側當時相重若鴻鐘今日  
相輕比蟬翼驅代情兮共此何余哀之能得使我孤  
猿哀怨獨鶴驚鳴蘿月寡色風泉罷聲嗟昊天之不  
吊悲后土之無情松架森沉兮戶內掩石樓摧折兮  
社將頽竊不敢當雨露之恩惠長痛恨於此生

### 悲今日

四悲曰頽蓋若舊白頭如新嘗為謂談過其實辨而  
非真自高枕箕頽長揖交親以蕙蘭為九族以風煙  
為四隣朝朝獨坐唯見奉峯合沓年年孤卧常對古  
樹輪囷相吊相哭則有飢飢啼夜相慶相賀則有好  
鳥歌春林麋麋兮多鹿山蒼蒼兮少人時向南溪汲  
水或就東巖負薪百年之中皆為白骨千里之外時  
見黃塵平生連袂宿昔銜杯談風雲於城闕弄花鳥  
於池臺皆是西園上空東觀高才超班匹賈含鄒吐

故一琴一書校竒蹤於旣住一歌一詠垂妙製於將  
來絃將調而雪舞筆屢走而雲迴自謂蘭交永合松  
契長并通宵扼腕終日盱衡罵蕭朱為賈豎曰張陳  
為老兵悲蒼黃兮驟變恨消長之相傾貴而不驕人  
皆共推晏平仲死且不朽吾每獨稱揚楚巨卿及其  
寔產摧聯支離括撮已濡首兮將死尚搖尾兮求活  
莊西貸而魚窮姬東徂而狼跋今皆慶吊都斷存亡  
求闊憑駟馬而不追寄雙魚而莫達向時之清談尚  
在今日之相知已末則有河濱漂母隴上樵夫盤食  
帶粟粥麵魚炙藜羹一盞濁酒一壺夫負妻戴男歡  
女娛攀重巒之岸崑歷飛澗之崎嶇哀王孫而進饋  
問公子之所須因謂余曰可憐可憐聖人之過久矣  
君子之罪多焉詩書禮樂適足哀人之神用宗族朋  
友不足駐人之頽年削跡伐樹孔席由來不暖摩頂



至足墨突何時有煙一朝至此萬事徒然自昔相逢  
把臂談玄橫彫龍於翠札飛縞鳳於瓊筵各自雲騰  
羽化谷變鸞遷鳴香車於闕下曳珠履於君前豈憶  
荒山之幽絕寧知枯骨之可憐傳語千秋萬古寄言  
白日黃泉雖有羣書萬卷不及囊中一錢

悲人生

五悲曰禮樂既作仁義不憊死生有命富貴在天一  
變一化一虧一全去其外物歸於內篇儒與道兮方  
計於前其書萬卷其學千年鍾鼓玉帛蹙蹙躑躅金  
木水火混合推遷六合之內慕其風兮如市百代之  
後隨其流兮若川三界九地往返周旋四生六道出  
沒牽聯碌碌磕磕蠢蠢翻翻受苦受樂可悲可憐有  
超然之大聖歷曠劫以爲期戒定惠解非陰入慈悲  
喜捨非見思聞儒道之高論乃撞鍾而應之曰止止

善男子觀向時之華說乃天子之辯士請弄宜僚之  
丸以合兩家之美若夫正君臣定名色威儀俎豆郊  
廟杜稷適足誇耀時俗奔競功名使六藝相亂四海  
相爭我者遺其無我生者哀其無生孰與乎身肉手  
足濟生人之塗炭國城府庫恤貧者之經營捨其有  
愛以至於無愛捨其有行以至於無行若夫呼吸吐  
納全身養精反於太素飛騰上清與乾坤合其壽與  
日月齊其明適足增長諸見未能永證無生孰與夫  
離常離斷不始不終怕在三昧常遊六通不生不住  
無所處不去不滅無所窮放毫光而普照盡法界與  
虛空苦者代其勞苦蒙者導其愚蒙施語行事未嘗  
稱倦根力覺道不以爲功所言未畢儒道二客離席  
再拜稽首而稱曰大聖哉立晚聞道聯今已老徒知  
其一未究其術何異夫戴盆望天倚杖逐日蒼蒼之



氣未辨昭昭之光已失嗚呼優優群品遑遑衆人雖  
鑿其竅未知其身來從何道去止何津誰爲其業誰  
作其因一翻一覆兮如掌一生一死兮若輪不有大  
聖誰起大悲請北面而趨伏願終身而教之

訟風伯

韓愈

維茲之旱兮其誰之由我知其端兮風伯是尤山升  
雲兮澤上氣雷鞭車兮電搖幟雨漫漫兮將墜風伯  
怒兮雲不得正揚烏之仁兮念此下民闕其光兮不  
闕其神嗟風伯兮其獨謂何我於爾兮豈有其他求  
其時兮修祀事羊甚肥兮酒甚旨食足飽兮飲足醉  
風伯之怒兮誰使雲屏屏兮吹使醜之氣將交兮吹  
使離之鑠之使氣不得化寒之使雲不得施嗟爾風  
伯兮欲逃其罪又何辭上天孔明兮有紀有綱我今  
上訟兮其罪誰當天誅加兮不可悔風伯雖死兮人

誰汝傷

弔屈原

柳宗元

後先生蓋千祀兮余再逐而浮湘求先生之汨羅兮  
擊蘅若以薦芳願荒忽之顧懷兮冀陳辭而有明先  
生之不從世兮惟道是就支離捨攘兮遭世孔疚華  
蟲薦壤兮進御羔衰牝鷄啾囀兮孤雄束味哇咬環  
觀兮蒙耳大呂董喙以爲羞兮焚棄稷黍岸獄之不  
知避兮宮庭之不處陷塗藉穢兮榮若繡黼椳折火  
烈兮娛娛笑舞讒巧之嘒嘒兮惑以爲咸池便媚鞠  
愿兮美愈西施謂漢言之恠誣兮反寘瑱而遠違匪  
重痼以諱避兮進俞緩之不可爲何先生之凜凜兮  
厲鍼石而從之仲尼之去魯兮曰吾行之遲遲柳下  
惠之直道兮又焉往而可施今夫世之議夫子兮曰  
胡隱忍而懷斯惟達人之卓軌兮固僻陋之所疑委



故都以從利兮吾知先生之不忍立而視其覆墜兮  
又非先生之所志窮與達回不渝兮夫惟服道以守  
義矧先生之惻惻兮陷大故而不貳沉璜座珮兮孰  
幽而不光荃蕙蔽匿兮胡久而不芳先生之貌不可  
得兮猶騁騁其文章託遺編而歎喟兮渙余涕之盈  
眶呵星辰而驅詭恠兮夫孰救於崩亡何揮雲夫雷  
電兮苟為是之茫茫耀燿辭之矐朗兮世果以是之  
為狂哀余衷之坎坎兮獨蘊憤而增傷諒先生之不  
言兮後之人又何望中集作誠之既內激兮抑咸街忍  
而不長芊為屈之幾何兮胡獨焚其中腸吾哀今之  
為仕兮庸有慮時之否臧食君之祿畏不厚兮悼得  
位之不昌退自服以默默兮曰吾言之不行既媮風  
之不可去兮懷先生之可忘

哀溺

柳宗元

求之氓咸善游一日水暴甚有五六氓乘小船絕湘  
水中濟船破皆游其一氓盡力而不能尋常其侶曰  
汝善游最也今何後為曰吾腰千錢重是以後曰何  
不去之不應搖其首有頃益急已濟者立岸上呼且  
號曰汝愚之甚蔽之甚身且死何以貨為又搖其首  
遂溺死吾哀之且若是得不有大貨之溺大氓者乎  
於是作哀溺文

吾哀游者之死貨兮惟大氓之為憂世濤鼓以風湧  
兮浩澗盪而無舟不讓祿以辭富兮又旁窺而詭求  
手足亂而無如兮負重踰乎崇丘既搖頤而滅脊兮  
不忍釋利而離尤呼號者之莫救兮愈搖首以沉流  
髮披鬢以舞淵兮魂悵悵而焉遊龜鼉互進以爭食  
兮鱸鮪族而為羞始貪贏而膏厚兮終負禍而懷讎  
前既沒而後不知懲兮更攬取而無時休哀茲氓之



蔽愚兮反賊已而從仇不量多以自諫兮姑指幸者  
而爲媒夫人固靈於鳥魚兮胡昧爵而蒙鈞大者死  
大兮小者死小善游雖最兮卒以道夭與害偕行兮  
以死自繞推今而鑒古兮鮮克以保其生衣寶焚紂  
兮專利滅榮豺狼死而猶餓兮牛腹尸而不盈民既  
買買而無知兮故與彼咸謚爲氓死者不足哀冀中  
人之爲余再更噫

愬螭

柳宗元

零陵城西有螭室于江法曹史唐登浴其涯螭率以  
入一夕浮水上吾聞凡山川必有神司之抑有是耶  
於是作愬螭投之江曰

天明地幽孰主之兮壽善夭殤終何爲兮堆山醜江  
司者誰兮突然爲人使有知兮畏危慮害趨走祗兮  
父母孔愛妻子嗜兮出入公門不獲非兮激激湘流  
清且微兮陰幽洞石蓄恠螭兮胡濯茲熱卒無歸兮  
親戚叫號閭里思兮魂其安游觀湘纍兮嗟爾恠螭  
害江涓兮游泳重瀾物莫威兮蟻形決目潛伺窺兮  
膏血是利私自肥兮歲旣大旱澤莫施兮妖猾下民  
使顛危兮充心飽腹肆教嬉兮洋洋往復流逶迤兮  
惟神高明胡縱斯兮蔑棄無辜逞恠姿兮胡不降罰  
蕭川坻兮舟者欣欣游者熙兮蒲魚浸用吉無疑兮  
牲牲玉帛人是依兮匪神之愬將安期兮神之有亡  
於是推兮投之北流心孔悲兮

迎潮送潮辭

并序

陸龜蒙

余耕稼所在松江南旁田廬門外有溝通浦漵而朝  
夕之潮至焉天弗雨則輒而留之用以滌濯灌溉及  
物之功甚鉅其羸壯遲速繫望晦盈虛也用之則順  
而進捨之則默而退有類乎君子之道翫而感之作







揚素波簫鼓鳴兮發棹歌歡樂極兮哀情多少壯幾時兮柰老何

歸去來辭

陶潛

歸去來兮田園將蕪胡不歸既自以心爲形役奚惆悵而獨悲悟已往之不諫知來者之可追實迷塗其未遠覺今是而昨非舟搖搖以輕颺風飄飄而吹衣問征夫以前路恨晨光之熹微乃瞻衡宇載欣載奔僮僕歡迎稚子候門三徑就荒松菊猶存攜幼入室有酒盈樽引壺觴以自酌眄庭柯以怡顏倚南牕以寄傲審容膝之易安園日涉以成趣門雖設而常關策扶老以流憩時矯首而游觀雲無心以出岫鳥倦飛而知還景翳翳以將入撫孤松而盤桓歸去來兮請息交以絕游世與我而相遺復駕言兮焉求悅親戚之情詒樂琴書以消憂農人告余以春及將有事于西疇或命中車或掉孤舟既窈窕以尋壑亦崎嶇而經丘木欣欣以向榮泉涓涓而始流善萬物之得時感吾生之行休已矣乎寓形宇內復幾時曷不委心任去留胡爲乎遑遑欲何之富貴非吾願帝鄉不可期懷良辰以孤往或植杖而耘耔登東臯以舒嘯臨清流而賦詩聊乘化以歸盡樂夫天命復奚疑

文類

封禪文

司馬長卿

伊上古之初肇自昊穹之生民歷選列辟以迄於率邇者踵武迭聽者風聲紛綸威蕤湮滅而不稱者不可勝數也繼韶夏崇號謚略可道者七十有二君罔若淑而不昌疇逆失而能存軒轅之前遐哉邈乎其詳不可得聞已五三六經載籍之傳維風可觀也書曰元首明哉股肱良哉因斯以談君莫盛於唐堯臣



莫賢於后稷后稷創業於唐公劉發跡於西戎文王  
改制爰周邳箕隆大行越成而後陵遲衰微千載亡  
聲豈不善始善終哉然無異端慎所由於前謹遺教  
於後耳故軌迹夷易易遵也湛恩厖鴻易豐也憲  
度著明易則也垂統理順易繼也是以業隆於襁褓  
而崇冠於二后揆厥所元終都攸卒未有殊尤絕跡  
可考於今者也然猶躡梁父登泰山建顯號施尊名  
大漢之德逢涌原泉沕勿滴幸曼羨旁魄滿四塞雲  
布霧散上暢九垓來下泝八埏懷生之類霑濡浸潤  
協氣橫流武節恣逝邇陔遊原遐闊泳音沫音結首惡  
鬱沒曉昧昭晰反列昆蟲閭音憚回首面內然後囿騶  
虞之珍羣徼工通麋鹿之怪獸導一莖六穗於庖犧雙  
貉格共抵禮之獸獲周餘珍放龜于岐招翠黃乘龍  
於沼鬼神接靈圉語賓於間開館奇物譎詭倣惕儻

窮變欽哉符瑞臻茲猶以為德薄不敢道封禪蓋周  
躍魚墮航休之以燎勳微夫斯之為符也以登介丘  
不亦恩故乎進讓之道何其爽歟於是大司馬進曰  
陛下仁育羣生義征不諛音諸夏樂貢百蠻執贄德  
伴往初功無與二休烈浹洽符瑞衆變期應紹至不  
特創見意者泰山梁甫設壇場望幸蓋號以况榮上  
帝垂恩儲祉將以慶成陛下謙讓而弗發也契挈三  
神之歡缺王道之儀羣目恩焉或謂且天為質閭示  
珍符固不可辭若然辭之是泰山靡記而梁父罔幾  
也亦各並時而榮咸濟厥世而屈說者尚何稱於後  
而云七十二君哉夫脩德以錫符奉命以行事不為  
進越也故聖王不替而脩禮地祇謂款天神勸功中  
嶽以章至尊舒盛德發號榮受厚福以浸黎元皇皇  
哉斯事天下之壯觀王者之丕業不可貶也願陛下



全之而後因雜摺紳先生之略術使獲曜日月之末  
光絕炎焯以展窠錯措事猶兼正列其義枝舛飾厥  
文作春秋一藝將襲舊六為七摠之無窮俾萬世得  
激清流揚微波飛英聲騰茂實前聖所以永保鴻名  
而常為稱首者用此宜命掌故悉奏其儀而覽焉於  
是天子沛然改容曰俞乎朕其試哉乃遷思迴慮摠  
公卿之議詢封禪之事詩大澤之博廣符瑞之富

遂作頌曰

自我天覆雲之油油甘露時雨厥壤可游滋液滲  
漉何生不育嘉穀六穗我穡曷蓄非唯雨之又潤澤  
之非唯徧之我汜似布護之萬物熙熙懷而慕思名  
山顯位望君之來君乎君乎侯不邁哉般般班之獸  
樂我君圃白質黑章其儀可嘉眈眈是穆穆君子之  
態蓋聞其聲今親其來厥塗靡從天瑞之徵茲爾於

舜虞氏以興濯濯之麟靈時孟冬十月君祖郊  
祀馳我君輿帝用享社三代之前蓋未嘗有宛宛黃  
龍興德而升采色炫縣耀煥炳輝焜煌正陽顯見覺  
悟黎蒸於傳載之云受命所乘厥之有章不必諄諄  
之然依類託寓喻以封巒披藝觀之天人之際已交上  
下相發允荅聖王之德兢兢翼翼故曰於興必慮衰  
安必思危是以湯武至尊嚴不失肅祗舜在假格與  
顧省闕遺此之謂也

難蜀父老文

司馬長卿

漢興七十有八載德茂存乎六世威武紛紜湛沈恩  
汪濊鱗羣生霑濡洋溢乎方外於是乃命使西征隨  
流而攘風之所披罔不披上靡因朝冉從駟蒙定笮  
鑿存邛略斯榆舉苞蒲結軌還轅東鄉向將報至于  
蜀都耆老大夫搢紳先生之徒二十有七人儼然造



焉辭畢進曰蓋聞天子之於夷狄也其義羈縻勿絕而已今罷皮三郡之士通夜郎之塗三年於茲而功不竟士卒勞倦萬民不贍今又接之以西夷百姓力屈恐不能卒業此亦使者之累也竊爲左右患之且夫邛笮西夷之與中國並也歷年茲多不可記已仁者不以德來強者不以力并意者其殆不可乎今割齊民以附夷狄故所恃以事無用鄙人固陋不識所謂使者曰烏謂此乎必若所云則是蜀不變服而巴木化俗也僕常惡聞若說然斯事體大固非觀者之所覲也余之行急其詳不可得聞已請爲大夫粗陳其略蓋世必有非常之人然後有非常之事有非常之事然後有非常之功夫非常者固常人之所異也故曰非常之原黎民懼焉及臻厥成天下晏如也昔者洪水沸出記汎濫衍溢民人升降移徙崎嶇而不

安夏后氏感之乃堙塞洪源決江疏河灑沈澹災東歸之於海而天下未寧當斯之勤豈唯民哉心煩於慮而身親其勞躬腠胔胔竹無肢薄膚不生毛故休烈顯乎無窮聲稱浹乎干茲且夫賢君之踐位也豈特委瑣音嚙音齟拘文牽俗脩誦習傳當世取說云爾哉必將崇論閎議創業垂統爲萬世規故馳騫乎兼容并包而勤思乎參天貳地且詩不云乎普天之下莫非王土率土之濱莫非王臣是以六合之內八方之外浸淫衍溢懷生之物有不浸潤於澤者賢君恥之今封疆之內冠帶之倫咸獲嘉祉靡有闕遺矣而夷狄殊俗之國遼絕異黨之域舟車不通人跡罕至政教未加流風猶微內之則犯義侵禮於邊境外之則邪行橫作放殺其上君臣易位尊卑失序父兄不辜幼孤爲奴虜係縲號泣內嚮而怨曰蓋聞中國有



至仁焉德洋恩普物靡不得其所今獨局爲遺已舉  
踵思慕若枯旱之望雨戾夫爲之垂涕況乎上聖又  
焉能已故北出師以討彊胡南馳使以請勁越四面  
風德二方之君鱗集仰流願得受號者以億計故乃  
關沫昧若微叫并戒物鏤靈山梁孫原劍道德之塗  
垂仁義之統將博恩廣施遠撫長駕使䟽迹不閉習  
晦爽闇昧得輝乎光明以偃甲兵於此而息討伐於  
彼遐邇一體中外提支福不亦康乎夫拯民於沈溺  
奉至尊之休德反衰世之陵夷繼周氏之絕業天子  
之亟務也百姓雖勞又惡烏可以已乎哉且夫王者  
固未有不始於憂勤而終於逸樂者也然則受命之  
符合在於此方將增太山之封加梁父之事鳴和鸞  
揚樂頌上咸五下登三觀者未覩旨聽者未聞音猶  
鵬已翔乎寥聊廓之宇而羅者猶視乎藪澤悲

哀永逝文一首

潘安仁

夫於是諸大夫芒然喪其所懷來失厥所以進唱然  
並稱曰允哉漢德此鄙人之所願聞也百姓雖勞請  
以身先之故周靡徒遷延而辭退

啓夕兮宵興悲絕緒兮莫承俄龍輻而兮門側嗟候  
時兮將升嫂姪細兮悼惶茲姑兮垂矜聞鳴雞兮戒  
朝咸驚號兮撫膺逝日長兮生年淺憂患衆兮觀樂  
歎彼遙思兮離居歎河廣兮宋遠兮奈何兮一舉遊  
終天兮不反盡余哀兮祖之晨揚明燎兮援靈輻及  
撤房帷兮席庭筵舉酌觴兮告永遷悽切兮增歎俯  
仰兮揮淚想孤魂兮眷舊宇視倏忽兮若騶蹄徒騶  
歸兮在慮靡耳目兮一遇停駕兮淹留徘徊兮故處  
周求兮何獲引身兮當去去華輦兮初邁馬回首兮  
旋旆風泠泠兮入帷雲霏霏兮承蓋鳥倦翼兮忘林



魚仰沫兮失瀨悵悵兮遲遲遵吉路兮凶歸思其人  
兮已滅覽餘跡兮未夷昔同塗兮今異世憶舊歡兮  
增新悲謂原隰兮無畔謂川流兮無岸望山兮寥廓  
臨水兮浩汗視天日兮蒼茫面邑里兮蕭散匪外物  
兮或改回歡哀兮情換嗟潛隧兮旣啟將送形兮長  
往委蘭房兮繁華襲窮泉兮朽壤中慕叫兮擗標騾  
之子降兮宅先撫靈櫬兮訣幽房棺冥冥兮挺窈窕  
戶闔兮燈滅夜何時兮復曉歸反哭兮殯宮聲有止  
兮哀無終是乎非乎何遑趣一遇兮日中旣遇日兮  
無光曾寤寐兮弗夢旣顧瞻兮家道長寄心兮爾躬  
重曰已矣此蓋新哀之情然耳樂懷之其幾何庶無  
愧兮莊子

北山移文

孔稚圭

鍾山之英草堂之靈馳煙驛路勒移山庭夫以耿介  
拔俗之標蕭洒出塵之想度白雪以方潔干青雲而  
直上吾方知之矣若其亭亭物表皎皎霞外芥千金  
而不眴屣萬乘其如脫聞鳳吹於洛浦值新歌於延  
瀨固亦有焉豈期始終參差蒼黃反覆淚翟子之悲  
慟朱公之哭卞迴迹以心染或先真而後黷何其謬  
哉嗚呼尚生不存仲氏旣往山阿寂寥千載誰賞世  
有周子雋俗之士旣文旣博亦玄亦史然而學道東  
魯習隱南郭竊吹草堂濫巾北岳請我松桂欺我雲  
壑雖假容於江臯乃緩情於好爵其始至也將欲排  
巢父拉許由傲百世蔑王侯風情張日霜氣橫秋或  
歎幽人長往或怨王孫不游談空空於釋部覈玄玄  
於道流務光何足比滄子不能情及其鳴鶴入谷鶴  
書赴隴形馳魄散志變神動爾乃眉軒席次快聳庭  
上焚芟製而裂荷衣抗塵容而走俗狀風雲懷其帶



憤石泉咽而下愴望林峦而有失顧草木而如喪至  
其紐金章縮墨綬跨屬城之雄冠百里之首張英風  
於海甸馳妙譽於浙右道帙長擯法筵久理鼓扑誼  
罌犯其慮牒許控愆裝其懷琴歌旣斷酒賦無續常  
網罟於結課每紛綸於折獄籠張趙於往圖架卓魯  
於前錄希蹤三輔豪馳聲九州牧使其高霞孤映明  
月獨舉青松落陰白雲誰侶礪戶摧絕無與歸石逕  
荒涼徒延竚至於還颺入幕寫霧出楹蕙帳空今夜  
鶴怨山人去兮晚猿驚昔聞投簪逸海岸今見解蘭  
縛塵纒於是南嶽獻嘲北隴騰笑列壑爭譏攢峰竦  
蕭慨遊子之我欺悲無人以赴弔故其林慙無盡澗  
愧不歌秋桂遣風春蘿擺月騎西山之逸議馳東臯  
之素書今乃促裝下邑浪棹上京雖情投於魏闕或  
復於山有豈可使芳杜厚顏薜荔無耻碧嶺再辱

丹崖重淖塵遊躅於蕙路汚淶池以洗耳宜扁袖幌  
掩雲關歛輕霧藏鳴湍截來轅於谷口杜妄轡於郊  
端於是叢條瞑膽疊穎怒魄或飛柯以折輪乍低枝  
而掃迹請廻俗士駕爲君謝逋客

弔古戰場文

李華

浩浩乎平沙無垠夔不見人河水縈帶群山糾紛黯  
兮慘悴風悲日曠蓬斷草枯凜若霜晨鳥飛不下獸  
挺亡群亭長告余曰此古戰場也常覆三軍往往鬼  
哭天陰則聞傷心哉秦歟漢歟將近代歟吾聞夫齊  
魏徭戍荆韓召募萬里奔走連年暴露沙草晨牧河  
冰夜渡地濶天長不知歸路寄身鋒刃脇臆誰訴秦  
漢而還多事四夷中州耗斁無世無之古稱戎夏不  
抗王師文教失宣武臣用竒竒兵有異於仁義王道  
迂闊而莫爲嗚呼噫嘻吾想夫北風振漠胡兵伺便



主將驕敵期門受戰野豎旌旗川回組練法重心駭  
威尊命賤利鏃穿骨驚沙入面主客相搏山川震眩  
聲折江河勢崩雷電至若窮陰凝閉凜冽海隅積雪  
沒脛堅冰在鬚鷲鳥休巢征馬踟躕繒纒無溫墮指  
裂膚當此苦寒天假強胡憑陵殺氣以相翦屠徑截  
輜重橫攻士卒都尉新降將軍復沒屍填巨港之岸  
血滿長城之窟無貴無賤同爲枯骨可勝言哉鼓衰  
兮力盡矢竭兮弦絕白刃交兮寶刀折兩軍處兮生  
死決降矣哉終身夷狄戰矣哉骨暴沙磧鳥無聲兮  
山寂寂夜正長兮風淅淅鬼魄結兮天沉沉鬼神聚  
兮雲幕幕日光寒兮草短月色苦兮霜白傷心慘目  
有如是耶吾聞之牧用趙卒大破林胡開地千里遁  
逃匈奴漢傾天下財殫力痛任人而已其在多乎周  
逐獫狁北至太原旣城朔方全師而還飲至策勳和

樂且閑穆穆棟棟君臣之間秦起長城竟海爲閔荼  
毒生靈萬里朱毅漢擊匈奴雖得陰山枕骸遍野功  
不補患聲蒼蒼烝民誰無父母提携捧負畏其不壽  
誰無兄弟如足如手誰無夫婦如賓如友生也何恩  
殺之何咎其存其沒家莫聞知人或言將信將疑  
娟娟心目寢寐見之布奠傾觴哭望天涯天地爲愁  
草木淒悲弔祭不至精魂無依必有凶年人其流離  
嗚呼噫嘻時耶命耶從古如斯爲之奈何守在四夷

祭鱷魚文

韓愈

維年月日潮州刺史韓愈使軍事衙推秦濟以羊一  
豬一投惡谿之潭水以與鱷魚食而告之曰昔先王  
旣有天下列山澤罔繩擗刃以除蟲蛇惡物爲民害  
者驅而出之四海之外及後王德薄不能遠有則江  
漢之間尚皆棄之以與蠻夷楚越况潮嶺海之間去



京師萬里哉鱷魚之涵淹郊育於此亦固其所今天  
子嗣唐位神聖慈武四海之外六合之內皆撫而有  
之況禹跡所拚揚州之近地刺史縣令之所治出貢  
賦以供天地宗廟百神之祀之壤者哉鱷魚其不可  
與刺史雜處此土也刺史受天子命守此土治此民  
而鱷魚睥然不安谿潭據處食民畜豕豕鹿麋以肥  
其身以種其子孫與刺史亢拒爭為長雄刺史雖鴛  
弱亦安肯為鱷魚低首下心他他覘覘為民吏羞以  
偷活於此邪且承天子命以來為吏固其勢不得不  
與鱷魚辨鱷魚有知其聽刺史言潮之州大海在其  
南鯨鵬之大蝦蟹之細無不容歸以生以食鱷魚朝  
發而夕至也今與鱷魚約盡三日其率醜類南徙于  
海以避天子之命吏三日不能至五日不能至  
七日七日不能至終不肯徙也是不有刺史聽從其  
言也不然則是鱷魚冥頑不靈刺史雖有言不聞不  
知也夫傲天子之命吏不聽其言不徙以避之與冥  
頑不靈而為民物害者皆可殺刺史則選材技吏民  
操強弓毒矢以與鱷魚從事必盡殺乃止其無悔

送窮文

韓愈

元和六年正月乙丑晦主人使奴星結柳作車縛草  
為船載糗輿糗牛繫輓下引帆上攜三揖窮鬼而告  
之曰聞子行有日矣鄙人不敢問所塗竊具船與車  
備載糗糧日吉時良利行四方子飯一盂子啜一觴  
攜朋挈儔去故就新駕塵曠風與電爭先子無底滯  
之尤我有資送之恩子等有意於行乎屏息潛聽如  
聞音聲若嘯若啼呼號切 歔切 許勿切 憂切 於求切 嬰切 於耕切毛髮盡豎竦  
肩縮頸疑有而無久乃可明若有言者曰吾與子居  
四十年餘子在孩提吾不子愚子學子耕求官與名



惟子是從不變于初門神戶靈我叱我呵包羞詭隨  
志不在他子遷南荒熱爍濕蒸我非其鄉百鬼欺陵  
太學四年朝齋暮鹽惟我保汝人皆汝嫌自初及終  
朱始背汝心無異謀口絕行語於何聽聞云我當去  
是必夫子信讒有間於予也我鬼非人安用車船鼻  
缺臭香糗糲可捐單獨一身誰爲朋儔子苟備知可  
數已不子能盡言可謂聖智情狀旣露敢不迴避主  
人應之曰子以吾爲真不知也和子之朋儔非六非  
四在十去五蒲七除二各有主張私立名字挨噓手  
覆羹轉喉觸諱凡所以使吾面目可憎語言無味者  
皆子之志也其名曰智窮矯亢亢惡圓喜方蓋爲  
姦欺不忍害傷其次名曰學窮傲數與名摘挾香微  
高挹羣言執神之機又其次曰文窮不專一能怪怪  
奇奇不可時施祇以自嬉又其次曰命窮影與形殊  
面醜心妍利居衆後責在人先又其次曰交窮磨肌  
憂骨吐出心肝企足以待冀我讎寃凡此五鬼爲吾  
五患飢我寒我興訛造訕能使我迷人莫能間朝悔  
其行暮已復然蠅營狗苟驅去復還言未畢五鬼相  
與張眼吐舌跳踉偃仆抵掌頓脚大笑相顧徐謂主  
人曰子知我名凡我所爲驅我令去小黠大癡人生  
一出其久幾何吾立子名百世不磨小人君子其心  
不同惟乖於時乃與天通攜持琬琰易一羊皮飮於  
肥甘慕彼糠糜天下知子誰過於予雖遭斥逐不忍  
子踈謂予不信請質詩書主人於是垂頭喪氣上手  
稱謝燒車與船延之上座

乞巧文

柳宗元

柳子夜歸自外見有設祠者饗餌馨香蔬果交羅插  
竹垂綬剖瓜犬牙且拜且祈怪而問焉女隸進曰今



茲秋孟七夕天女之孫將嬪於河鼓邀而祠者幸而  
與之巧驅去蹇拙手目開利組絰製將無滯於心  
焉爲是禱也柳子曰苟然歎吾亦有所大拙倘可因  
是以求去之乃纓弁束衽促武縮氣旁趨曲折僂僕  
將事拜拜稽首稱臣而進曰下土之臣竊聞天孫專  
巧于天轆轤璇璣經緯星辰能成文章黼黻帝躬以  
臨下民欽聖靈仰光耀之日久矣今聞天孫不樂其  
獨得貞卜於玄龜將蹈石梁款天津儷於神夫于漢  
之濱兩旗開張中星耀芒靈氣翕歛乎勿切茲辰之良幸  
而弭節薄遊民間臨臣之庭曲聽臣言臣有大拙智  
所不化醫所不功威不能遷寬不能容乾坤之量包  
含海岳臣身甚微無所投足蟻適于垤蝸休于殼龜  
龜螺蚌皆有所伏臣物之靈進退唯辱仿佯爲狂局  
東爲諂吁吁爲詐坦坦爲忝他人有身動必得宜周

旋獲笑顛倒逢嘻已所尊昵人或怒之變情徇勢射  
利抵職中心甚憎爲彼所竒忍仇佯喜悅譽遷隨胡  
執臣心常使不移反人是已曾不惕疑貶名絕命不  
負所知抃嘲似傲貴者啓齒臣旁震驚彼且不取叩  
稽匍匐言語謫詭令臣縮瑟切彼則大喜臣若效之  
瞋怒叢已彼誠太巧臣拙無比王侯之門狂吠狴狂  
臣到百步喉喘顛汗睚眦逆走魄遁神叛欣欣巧夫  
徐入縱誕毛群掉尾百怒一散甘途昏險擬步如漆  
左低右昂闖冒衝突鬼神恐悸聖智危慄泯焉直透  
所至如一是一獨何工縱橫不恤非天所假彼智焉出  
獨蓄於臣怕使玷黜沓沓壽憲恣口所言迎知喜惡  
熱測憎憐播辱一發徑中心原膠加鉗夾誓死無遷  
操心扼膽踴躍拘牽彼雖佯退胡可得旃獨結臣舌  
嗜抑銜冤孽皆流血一辭莫宣胡爲賦授有此竒偏



眩耀爲文瑣碎排偶抽黃對白吟哢飛走駢四儷六  
錦心繡口宮沉羽振笙簧觸手觀者舞悅誇談雷吼  
獨溺臣心使甘老醜噐昏莽鹵撲鈍枯朽不期一時  
以俟悠久旁羅萬金不鬻獎帚跪呈豪傑投棄不有  
眉曠頰蹙喙唾曾歐大赧而歸填恨低首天孫司巧  
而窮臣若是卒不余畀獨何酷歟敢願聖靈悔禍矜  
臣獨艱付與姿媚易臣頑顏鑿臣方心規以大圓狡  
去吶舌納以工言文詞婉軟步武輕便齒牙饒美眉  
睫增妍突梯卷鬻爲世所賢公侯卿士五屬十連彼  
獨何人長享終天言訖又再拜稽首俯伏以俟至夜  
半不得命疲極而睡見有青裏朱裳手持絳節而來  
告曰天孫告汝汝詞良苦凡汝之言吾所極知汝擇  
而行嫉彼不爲汝之所欲汝自可期胡不爲之而誑  
我爲汝唯知取諂貌淫辭率辱不貴自適其宜中心  
已定胡妾而祈堅汝之心密汝所持得之爲大失不  
汙卑凡吾所有不敢汝施致命而昇汝慎勿疑嗚呼  
天之所命不可中革泣拜欣受初悲後懌抱拙終身  
以死誰惕

招海賈文

柳宗元

咨海賈兮君胡以利易生而卒離其形大海盪泊兮  
顛倒日月龍魚傾側兮神怪隳突滄茫無形兮往來  
遽卒陰陽開闔兮氛霧滂渤君不返兮逝恍惚舟航  
軒昂兮下上飄鼓騰躡峽嶠兮萬里一覩萃入泓坳  
兮視天若畝即畝字奔螭出抃兮翔鵬振舞天吳九首兮  
更笑迭怒垂涎閃舌兮揮霍旁午君不返兮終爲虜  
黑齒枝鬻鱗文肌三角駢列兮耳離披反斷义牙踔  
嶽崖蛇首豨鬣虎豹皮群沒互出謹遨嬉臭腥百里  
霧雨瀰君不返兮以充飢弱水蓄縮其下不極投之



必沉負羽無力鯨鯢疑畏滯滯巖巖君不返兮卒自  
賊怪石森立涵重淵高下迺置治危顛崩濤搜疏剡  
戈鋌君不返兮若沉顛其外大泊平齋淪終古迴薄  
旋天垠八方易位更錯陳君不返兮亂星辰東極傾  
海流不屬音泯泯起忽紛盪迭殆而一跌兮沸入湯  
谷舳艫霏解梢若木君不返兮魂焉薄海若畜貨號  
風雷巨鼇頷首丘山頽猖狂震虜翻九垓君不返兮  
糜以摧咨海賈兮君胡樂出幽險而疾乎夷恟駭愁  
苦而以忘其歸上黨易野恬以舒蹈蹂厚土堅無虞  
歧路脉布弥九區出無入有百貨俱周游傲睨神自  
如撞鍾擊鮮恣歡娛君不返兮欲誰須膠鬲得聖指  
監魚范子去相安陶朱呂氏行賈南面孤弘羊心計  
登謀謨煮鹽大冶九卿居祿秩山委收國租賢智走  
諾爭下車逍遙縱傲世所趨君不返兮謚為愚咨往

賈兮賈尚不可為而又海是圖死為險魄兮生為貪  
夫亦獨何樂哉歸來兮寧君軀

逐畢方文

并序

柳宗元

永州元和七年夏多火災日夜數十發少尚五六發  
過三月乃止八年夏又如之人咸無安處老弱燔死  
晨不爨暝不燭皆列坐屋上左右視罷不得休蓋類  
物為之者訛言相驚云有怪鳥莫實其狀山海經云  
章義之山有鳥如鶴一足赤文白喙其名曰畢方見  
則其邑有譌火若今火者其可謂譌歟而人有以鳥  
傳者其畢方歟遂邑中狀而圖之襍而磔之為之文  
而逐之

后皇庇人兮敬授群材大施棟宇兮小蔽草萊各有  
攸宅焉時闔而開火炎為用兮化食生財胡今茲之  
怪戾兮目十焚而窮災朝儲清以聯遠兮夕蕩覆而



爲灰焚傷羸老兮炭死童孩叫號隳突兮戶駭人哀  
袒夫狂走兮倏忽往來鬱攸孽暴兮混合恢台民氣  
不舒兮僵踣顛頽休炊息燎兮仄伏煨煤門臺晦黑  
兮啓伺斲回若墜之天兮若生之鬼令行不詔兮國  
忍盍已問之禹書畢方是崇嗟爾畢方兮胡肆其志  
皇亶聰明兮念此下地災皇所愛兮保死無貳幽形  
扇毒兮陰險詭異汝今不懲兮衆翹咸至皇斯震怒  
兮殄絕汝類祝融悔禍兮回祿屏氣大陰施威兮玄  
冥行事汝雖赤其文隻其趾逞工術巧莫救汝死黠  
知亟去兮愚乃止此高飛兮翱翔遠伏兮無傷海之  
南兮天之裔汝優游兮可卒歲皇不怒兮永汝世日  
之良兮今速逝急急如律令

憎王孫文

井序

柳宗元

後王孫居異山德異性不能相容後之德靜以恒願

仁讓孝慈居相愛食相先行有列飲有序不幸乖離  
則其鳴哀有難則內其柔弱若不踐稼蔬木實未熟  
相與視之謹旣熟嘯呼群萃然後食衍衍焉山之小  
草木必環而行遂其植故猿之居山恒鬱然王孫之  
德躁以囂勃譁號呶喑喑彊彊雖群不相善也食相  
噬齧行無列飲無序乖離而不思有難推其柔弱者  
以免好踐稼蔬所過狼藉披攘木實未熟輒齧齧投  
注竊取人食皆知自實其嗾苦聲切山之小草木必凌挫  
折挽使之瘁然後已故王孫之居山恒萬然以是後  
群衆則逐王孫王孫群衆則齧後後棄去終不與抗  
然則物之甚可憎莫王孫若也余棄山間久見其趣  
如是作憎王孫云

湘水之悠兮其上群山胡茲鬱而彼瘁兮善惡異居  
其間惡者王孫兮善者後環行遂植兮止暴殘王孫



兮甚可憎噫山之靈兮胡不賊旃跳跟叫囂兮衝目  
宣斷外以敗物兮內以爭群排闥善類兮譁駭披紛  
盜取民食兮私已不分充噉果腹兮驕傲驩欣嘉華  
美木兮碩而繁群披競齧兮枯株根毀成敗實兮更  
怒喧居民厭苦兮號穹昊王孫兮甚可憎噫山之靈  
兮胡獨不聞援之仁兮受逐不校退優游兮惟得是  
傲廉來同兮聖囚禹稷合兮凶誅群小遂兮君子違  
大人聚兮孽無餘善與惡不同鄉兮否泰旣兆其盈  
虛伊細大之固然兮乃禍福之依趨王孫兮甚可憎  
噫山之靈兮胡逸而居

宥蝮蛇文并序

柳宗元

家有僮善執蛇晨持一蛇來謁曰是謂蝮蛇犯於人  
死不治又善伺人聞人咳喘步驟輒不勝其毒捷取  
巧噬齧肆其害然或嫌不得於人則愈怒反齧草木  
草木立死後人來觸死莖猶墮指攣腕瘡足爲廢病  
必殺之是不可留余曰汝惡得之曰得之榛中曰榛  
中若是者可旣乎曰不可其類甚博余謂僮曰彼居  
榛中汝居宮內彼不汝即而汝即彼犯而闔死以執  
而謁者汝實健且險以輕近是物然而殺之汝益暴  
矣彼耕獲者求薪蘇者皆土其鄉知防而入焉執耒  
操鞭持芟扑以遠其害汝今非有求於榛者也密汝  
居易汝庭不凌奧不步閭是惡能得而害汝且彼非  
樂爲此態也造物者賦之形陰與陽命之氣形甚怪  
僻氣甚禍賊雖欲不爲是不可得也是獨可悲憐者  
又孰能罪而加怒焉汝勿殺也余悲其不得已而所  
爲若是叩其脊論而宥之其辭曰  
吾悲乎天形汝軀絕翼去足無以自扶曲脊屈脅惟  
行之紆目兼蜂蠆色混泥塗其頸蹙而腹次且蹇



鼻鈎牙冗出榛居蓄怒而蟠銜毒而趨志蘄害物陰  
妬潛狙汝之稟受若是雖欲爲蠹爲蟻焉可得已凡  
汝之爲惡非樂乎此緣形役性不可自止草搖風動  
百毒齊起首拳脊努呬舌搖尾不逞其凶若病乎已  
世皆寒心我獨悲爾吾將薙吾庭葺吾楹窘吾垣嚴  
吾扃俾與草不植而冗隙不萌與汝異途不相交爭  
雖汝之惡焉得而行嘻造物者胡甚不仁而巧成汝  
質既稟乎此能無危物賊害無辜惟汝之實陰陽爲  
戾假汝忿疾余胡汝尤是戮是扶宥汝于野自求終  
吉彼樵豎持耒農夫執耒不幸而遇將除其害餘力  
一揮應手糜碎我雖汝活其惠實大他人異心誰釋  
汝罪形旣不化中焉能悔嗚呼悲乎汝必死乎毒而  
不知反訟乎內今雖寬焉後則誰賚陰陽爾造化爾  
道烏乎在可不悲歟

斬曲几文

柳宗元

后皇植物所貴乎直聖主取焉以建家國亘爲棟楹  
齊爲閭闔外隅平端中室謹飾度焉以凡維量之則  
君子憑之以輔其德末代潘巧不師古式斷茲揉木  
以限肘腋敬形詭狀曲程詐力制類竒邪用絕繩墨  
勾身陋狹危足僻側支不得舒脅不遑息余胡斯蓄  
以亂人極追咎厥始惟物之殘稟氣失中遭生不完  
託地境垓反時燠寒鬱悶結澀瘞蹇艱難不可以遂  
遂勸其端離竒詰屈縮惡嶮岼含蠅孕蠹外邪中乾  
或因先容以售其蟠病夫甘焉制器以安彼風毒敗  
形陰沴遷魄禍氣侵骨淫神化脉體仄筋倦榮乖衛  
逆乃喜茲物以爲己適器之不祥莫是爲敵烏可昵  
近以切禍癖癖音癖且人道甚惡惟曲爲先在心爲賊在  
口爲恣在肩爲僂在膝爲寧戚施踣跂匍匐拘拳古



皆斥遠莫致於前問誰其類惡木盜泉朝歌迴車簡  
牘載焉昭王市骨樂毅歸燕今我斬此以希古賢詔  
諛宜惕正直宜宣道焉是達法焉是專咨爾君子曷  
不乾乾既犯且平獲祐于天去惡在微慎保其傳

戮鱈魚文

陳堯佐

已亥歲予於潮州建昌黎先生祠堂作招韓辭載鱈  
魚事以旌之後又圖其魚爲之讚凡好事者即以授  
之俾天下之人知韓之道不爲妄也明年夏郡之境  
上地曰萬江村曰硫黃張氏子年始十六與其母濯  
于江溪倏忽鱈魚尾去其母號之弗能救洎中流則  
食之無餘予聞而傷之且謂天子聖武王澤昭洽刑  
不僭賞不濫海內海外罔不率俾昆虫草木裕如也  
鱈魚何悖焉而肆毒任虐之如是是不可不爲之思  
也命縣邑李公詔郡吏揚煦掌小舟操巨網馳往捕

之咸謂予曰彼不可捕也冗深淵游駭浪非人力之  
所能加也予則不然復之曰方今普天率土靡不臣  
妾山川陰陽之神奉天子威命晦明風雨弗敢逾鱈  
魚恃遠與險毒茲物律殺人者死今魚食人也又何  
如焉昔昌黎文公投之以文則引而避是則鱈魚之  
有知也若之何而逐之姑行焉必有主之者矣苟不  
能及予當請于帝躬與鱈魚決二吏既往即以予言  
告之且曰苟無網輒止伏不能舉絲是左右前後力  
者凡百夫曳之以出緘其吻撼其足檻以巨舟順流  
而至闔郡聞之悉曰是必妄也安有食人之魚形越  
數丈而能獲之者焉旣見之則駭而喜且曰生於世  
有百歲者矣凡上下水中或見其隆伏鬐鬣之狀雖  
相遠百步尚不敢抗今二吏捕之猶拾芥焉實今古  
之所未聞也向非公之義洽于民公之令嚴於吏然



自誠而不欺也。又安能殲巨害乎。大怨宣王者之威，刑焉。予始慎之，終得之。又意韓愈逐之於前，小子戮之於後，不爲過也。旣而鳴鼓召吏告之，以罪誅其首而烹之。辭曰：水之恠則曰鯨，魚之悍則曰鱣，今二者之異不可度兮。張氏之子年方弱兮，尾之食之胡爲虐兮。乳乳母氏俾何說兮，予實命吏顏斯作兮。官而弗去道將索兮，夙夜思之哀民瘼兮。赴赴二吏行斯恪兮，矯矯巨尾迎而搏兮。獲而獻之，俾人樂兮。鳴鼓召衆春而斲兮，而今而後津其廓兮。

遣拙鬼文

王元之

西山老黠聰塞明升榻而臥其寢于子夢遊靈臺之上，上手再拜如見其君。君大言曰：使子身安體舒，手便足運，咸如所欲，生而能然，自我所使。講學修業窮

經傳史口耳誦觀記無遺字，日月所習無忘厥能。包羅古今，皆心之靈然。三應卿書不錄，輒黜強顏。龜勉仕，未有日今也。誰使子之文章雖摛華麗，藻人厭其質明性順，理人譏其拂言。出反笑意動，則悖有司意。東使子意北有司意，華使子意實譬之。匠氏繩墨誤直，琢削反曲。雕虫欲終，揆手輟工。是皆拙鬼所爲，子宜驅之。予驚而寤，作文以遣之。曰：予心之神靈于予，身窮經好古，閱無廢文。汝乃反吾巧而使拙，虧吾成而使缺。好辭贈爾，爾行而決鬼乃躍。然而出俛首俯躬而言曰：子命昔窮我，寄爾躬子命。今達我，辟爾室還子之巧。收吾之拙，聖道是樂。紛華無悅，學海必至。志剛無歇，且戒且勉。且泣且別，言已翻然而去。予心釋然。

論交趾文

王元之



皇上嗣位之五祀國家將取交趾歲貢賤臣王某謹  
頓首上言請爲文以論之曰

夫中夏之於蠻貊猶人身之有四肢也運動伸縮瞻  
諸人心故曰心爲帝王之謂矣苟一手一足間血脉  
有滯筋骸不寧則必藥餌以攻之攻之未起則必鍼  
砭以達之非不知藥餌苦口而鍼砭破膚也蓋所損  
寡而所益多矣君天下者其猶是歟我太祖皇帝受  
禪于周啓國在宋聲明文物一變及古居帝王之位  
視蠻貊之病故一之二歲藥庸蜀餌湘潭三之四歲  
鍼廣越砭吳楚筋髓血脉渙然小康非王者神機睿  
略疇能至于此乎泊我后嗣守丕基躬攬庶政而以  
爲并汾者心腹之病也苟心腹未治四肢庸能治乎  
于是鍊仁義之藥餌修道德之鍼砭大瘳于并一進  
而愈九州四海既康且寧顧彼交州遠在天末實五

服之外亦四肢之餘譬之于身猶一指耳雖一指有  
患聖人得無念乎是用開爾昏庸被我聲教爾其後  
乎况在有周白雉來獻降及炎漢銅柱高標至于皇  
唐常曰內地唐末多難未遑區平今茲聖朝孟覆萬  
國太平之業亦旣成矣封禪之禮將以修矣俟爾至  
止康乎帝初爾無向隅爲我小恙俾我爲絕踏斷節  
之計用屠爾國悔其焉追矧夫爾水生珠我沉于泉  
爾巖孕金我捐于山非利爾之寶也爾民頭飛我有  
車馬爾民鼻飲我有酒食用革爾之俗也爾民斷髮  
我有衣冠爾民鳥語我有詩書教爾之禮也煌煌炎  
洲煙蒸霧縹我飛堯雲灑爾甘雨湯湯瘴海火燒日  
鑄我張舜琴扇爾薰風爾天星辰人謂不識我廻紫  
微使之拱極爾地魑魅人懼其怪我鑄大鼎使之不  
害出爾島夷觀明堂辟雍乎脫爾卉服視華衮山龍



乎爾其來乎無速厥辜方將整其軍徒戒其鉦鼓向  
化我其赦逆命我其伐惟向背吉凶在爾審

遣情文

林半千

龍火西頰活雨告霽劬書居士拂几掃榻敝書列史  
呼情崇而遣之其辭云

我勉介軒釋史緇經孰朋何儔管君墨卿青燈夜分  
糧食日昃肩高願隱不告劬瘠今如何其舍勤就嬉  
癡乃耽奕荒於嗜詩心窒目妨尸行骨坐伊誰爲厲  
維汝之情汝之爲物冥頑弗靈遇我之銳盍邀爾形  
胡造膏肓肆行冒臆窮而伎倆作我蠱賊始爲汝惑  
尚或汝從今既汝薄斷不汝容禮以遣汝汝宜亟去  
聽而來前明聽吾語乃語之曰世有雕堂綺攏翠幃  
翳帷高門鼎貴安居自怡若汝盍往而從只有出輿  
入輦噉鐘按鼓美人雜坐喉歌掌舞者爾盍往而從

只有寒雞炙鳧煨鼈炮羔飯囊酒甕口腹貪饕者爾  
盍往而從只有冰紈火毳雲組雨勝殼喜事容飾鮮衣  
裘服若爾盍往而從只居當擇人好當隨時舍是不  
往者我何爲於是情崇聞言負愧再拜而辭請對以  
意今其舍若毋復我仇靈臺丹府盍亦與謀居士曰  
爰斯言之當予辨付付尚予之望其徒寔繁盍率以  
去庶無後言筋骸不支如醉斯寐黃昏爲期伏几就  
睡予其與子之友曰昏者去些知識頑昧孛問惺蒙  
倦編爛筆如閻如聾予其與子之友曰愚者去些出  
悅紛華方寸日慶腐腸伐性東鷲西逐子其與子之  
友曰狂者去些鳴雷隱腹寒栗藁身秤薪數米吟嘯  
凄辛予其與子之友曰窮者去些言之未既五鬼前  
至若嘯若呼各請迴避居士乃笑悅軒渠尉籍纏綿  
引觴自醅以當租筵醒醉之醒神融天全彼或去而



或曾竟不知其所以然

英德殿上梁文

王安石

天都左界帝室中經誕惟僊聖之祠夙有神靈之宅  
嗣開宏構追奉群容方將廣舜孝於無窮豈特尚漢  
儀之有舊先皇帝道該五泰德貫二儀文摘雲漢  
之章武布風霆之號華夏歸仁而砥屬蠻夷馳義以  
駿奔清蹕甫傳靈輿忽往超然姑射山無一物之疵  
邈矣壽丘臺有萬人之畏已築鼎湖之弓劍將游高  
廟之衣冠今皇帝孝奉神明息涵動植纂禹之職  
期成萬世之功見堯於羹未改三年之政乃眷稟脩  
之吉壤載營館御之新宮考協前彙述追先志孝嚴  
列峙靈門可象於平君廟拓旁開輦路故存於陳迹  
官師蕭給片築隆施揆吉日以庀徒舉脩梁而考室  
敢申善頌以相歡謔

兒郎偉拋梁東聖主當陽坐禁中明似九天昇曉日  
恩如萬國轉春風

兒郎偉拋梁西瀚海兵銷太白低王母玉環方自執  
大宛金馬不須齋

兒郎偉拋梁南丙地星高每歲占千障滅烽開嶺徼  
萬艘輪賚引江潭

兒郎偉拋梁北邊頭自此無鳴鏑即看呼韓渭上朝  
休誇實憲燕然勒

兒郎偉拋梁上彷彿神遊今可想風馬雲車世世來  
金輿玉輦年年往

兒郎偉拋梁下萬靈隕祉扶宗社天垂嘉種已豐年  
地產珍符方極化

伏願上梁之後聖躬樂豫寶命靈長松茂猷兩宮之  
壽椒繁占六寢之祥宗室蕃維之彥朝廷表幹之良



宋傳慶譽代襲龍光肩一心而顯相保饋祀以無疆

廣寒殿上祭文

徐世隆

於木星星輝臨土馬雄疆之地瓊華仙島管帝王遊豫  
之宮蓋因前代規模便有內都氣象金臺南峙玉泉  
西流北襟山勢真龍虎之區東帶海濤盡魚鹽之國  
控河朔上流之上居今日中原之中是宜均貢賦于  
四方定龜鼎於億載况朝覲必有接見之所凡宮室  
本非逸樂而為恭惟 皇帝陛下功塞兩間德光五  
葉明俊德以親九族脩文德而來遠人以至治不出  
出之英姿舉慕朝未暇行之令典既嚴先廟當備行  
宮念人飛飛輓而尚未全蘇雖躬在暴露而不自為  
苦運至干戈之載戡始令棟宇之量修壯未央而襲  
秦風鄙蕭相重威之設章九成而損隋制慕唐皇去  
秦之心即廣寒之廢基應清暑之故事敬消穀旦爰

舉栢梁敢陳工誦之言庸代子來之詠

拋梁東海外三韓向化風鴨綠江頭無戰伐盡銷金

甲事春農拋梁南惠雨仁風洗瘴嵐干羽兩階苗自

格匪包不數洞庭柑拋梁西鐵嶺兵閑太白低聞道

上都朝會日降王侍子到來齊拋梁北天道北旋昌

水德周天列宿象臣民萬歲千秋拱宸極拋梁上雲

馭霓旌擁仙仗長春白鶴自天來特為吾皇降靈貺

拋梁下輦路春風促龍駕都人莫訝晚迴鑾秋郊恐

損如雲稼伏願上梁之後 一人有慶萬壽無疆地

儀厚配於長秋天位普臨於諸夏青宮朱邸擘擘相

輝玉葉金枝綿綿不絕鸞臺鳳閣咸登柱石之臣象

郡雞林永作藩維之守國無撓棟民悉奠居延及魚

鳥之微生亦遂池臺之同樂



文章類選卷之八



